

**TEKS UCAPAN
YBHG. PROF. DATUK DR. D KAMARUDIN D MUDIN
NAIB CANSOLOR
UNIVERSITI MALAYSIA SABAH**

TERIMA KASIH SAUDARI PENGACARA MAJLIS

EN. MOHD ASYRAAF ABDULLAH, PENGARAH PUSAT SUKAN UMS

PARA PEGAWAI DAN JURULATIH

PENGURUS-PENGURUS

DAN PARA ATLET YANG DIKASIHI SEKALIAN

ASSALAMUALAIKUM WBT, SALAM SEJAHTERA DAN SALAM ECOCAMPUS

ALHAMDULILLAH, MARILAH KITA MEMANJATKAN KESYUKURAN KEPADA ALLAH SWT KERANA DENGAN LIMPAH KURNIA-NYA DAPAT KITA BERKUMPUL PADA PETANG INI BAGI MENYEMPURNAKAN MAJLIS PENYERAHAN BENDERA KONTINJEN UMS YANG AKAN MENYERTAI KEJOHANAN SUKAN IPT SABAH KALI KE-2 PIALA TIMBALAN MENTERI PENDIDIKAN TINGGI MALAYSIA, YB DATUK DR. MARY YAP KAIN CHING.

TAHNIAH KEPADA UNIVERSITI MALAYSIA SABAH (UMS) SELAKU TUAN RUMAH BAGI PENGANJURAN SUKAN IPT SABAH KALI KE-2 INI YANG AKAN BERMULA PADA 16 DAN 17 DISEMBER 2017. SEBANYAK 20 KONTINJEN DARIPADA INSTITUSI PENGAJIAN TINGGI AWAM DAN SWASTA DARI SELURUH NEGERI SABAH AKAN MENYERTAI KEJOHANAN PADA EDISI KALI INI. ANTARA SUKAN YANG DIPERTANDINGKAN ADALAH FUTSAL WANITA, SEPAK TAKRAW, BOLA TAMPAR PANTAI LELAKI DAN WANITA, BOLA SEPAK 7 SEBELAH, BOLA KERANJANG 3 ON 3 LELAKI DAN WANITA DAN BOLA JARING. ADALAH DIHARAPKAN KEPADA SEMUA ATLET YANG TERPILIH UNTUK BERTANDING DENGAN SEMANGAT KESUKANAN YANG TINGGI, GUNAKANLAH KELEBIHAN

SEBAGAI TUAN RUMAH UNTUK BERSAING SECARA SIHAT DI KEJOHANAN INI NANTI.

PARA ATLET SEKALIAN

SERAMAI 78 ORANG ATLET TERMASUK JURULATIH, PENGURUS DAN PEGAWAI YANG AKAN MENYERTAI KEJOHANAN KALI INI. PENCAPAIAN SUKAN UMS DI SUKAN IPT SABAH EDISI PERTAMA AMAT MEMBANGGAKAN DENGAN MENJUARAI HAMPIR KESEMUA ACARA YANG DIPERTANDINGKAN. SAYA BERHARAP PENCAPAIAN KALI INI DAPAT DIKEKALKAN ATAU DIPERTINGKATKAN LAGI BAGI MENGHARUMKAN NAMA UMS. SETIAP KALI KITA MENGHANTAR ATLET MEREKA MERUPAKAN YANG TERBAIK DAN SETIAP DARI MEREKA KITA SANDARKAN HARAPAN UNTUK MENDAPATKAN EMAS. WALAUPUN NAMPAK TERLALU IDEAL TETAPI ITULAH SEMANGAT YANG PERLU ADA PADA SETIAP ATLET KITA SUPAYA IA MENJADI PERANGSANG KEPADA KITA UNTUK MENJADI JUARA. KITA PERLU MEMPUNYAI SEMANGAT “UMS BOLEH” YANG MEMBERIKAN AZIMAT YANG AKAN MENJADIKAN KITA PESAING TERHEBAT KEPADA MANA-MANA UNIVERSITI YANG DITANDINGI.

SEKIRANYA KITA MENANAMKAN SEMANGAT UNTUK MENJADI JUARA, SAYA YAKIN DAN PERCAYA KITA MAMPU MELAKUKANNYA. KITA PERLU TERUS BERJUANG DENGAN SEMANGAT KESUKANAN. KETEPIKAN SEBARANG PERBEZAAN PANDANGAN DAN PENDAPAT SEMASA KITA BERTANDING DAN BUANG SEMANGAT RENDAH DIRI YANG ADA PADA KITA, TETAPI SEBALIKNYA KITA PERLU SENTIASA OPTIMIS DENGAN PERKARA YANG KITA LAKUKAN.

PARA ATLET SEKALIAN

SASARAN PENYERTAAN PADA SUKAN KALI INI ADALAH UNTUK MERANGKUL SEMUA PINGAT EMAS. JUSTERU, UMS TENTUNYA MELETAKKAN HARAPAN YANG TINGGI KEPADA ANDA SEMUA UNTUK MENCAPAI SASARAN INI. PADA KESEMPATAN INI SAYA INGIN MERAKAMKAN UCAPAN TAHNIAH KEPADA SEMUA ATLET DAN PEGAWAI YANG TELAH DIPILIH MEWAKILI UMS KE TEMASYA INI. ANDA SEMUA ADALAH HARAPAN UMS. APA JUA PENCAPAIANNYA NANTI, TENTUNYA SEDIKIT SEBANYAK DAPAT MENGGAMBARKAN IMEJ SUKAN UMS. OLEH ITU, SEMUA ATLET MESTILAH MEMPUNYAI SEMANGAT JUANG YANG TINGGI KETIKA BERTANDING DI SAMPING BERSEDIA DENGAN MENTAL DAN FIZIKAL YANG MANTAP.

SAYA PERCAYA DENGAN PERSIAPAN RAPI DARI SEGI KEMAHIRAN, STRATEGI PERTANDINGAN, KEYAKINAN DIRI DAN DISERTAI DENGAN KOMITMEN YANG JITU, INSYA-ALLAH KEJAYAAN YANG KITA HARAPKAN AKAN DAPAT DICAPAI. TUNJUKKAN SEMANGAT KESUKANAN YANG TINGGI SAMA ADA DI DALAM MAHUPUN DI LUAR GELANGGANG DAN BERTANDINGLAH DENGAN CARA YANG SIHAT. JAGA TINGKAH LAKU DAN DISIPLIN. INSYA-ALLAH KITA AKAN BERJAYA.

AKHIR KATA, SAYA MENGAMBIL KESEMPATAN INI UNTUK MENGUCAPKAN SELAMAT MAJU JAYA KEPADA KONTINJEN UMS YANG AKAN MEWAKILI UNIVERSITI DALAM KEJOHANAN SUKAN IPT SABAH KALI KE-2 PIALA TIMBALAN MENTERI PENDIDIKAN TINGGI MALAYSIA, YB DATUK DR MARY YAP KAIN CHING. ***DO THE BEST FOR UMS.***

UMS BOLEH!!!

UMS BOLEH!!!

UMS BOLEH!!!

SEKIAN, TERIMA KASIH.